



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita Venerabilis Arnesti, (vulgò Ernesti) Primi  
Archiepiscopi Pragensis**

**Balbín, Bohuslav**

**Pragæ, 1664**

Notæ in Caput XIV.

**urn:nbn:de:hbz:466:1-42763**

*Litomericensem* Præpositum à Papiensibus impetrârat. Quanto honore sacrum *S. Martyris* corpus Ecclesiae Pragensi sit illatum, quantâque gloriâ *Cæsar* novâ dignitate auctus, & Bohemis gratissimus Princeps, exceptus sit, ad historiam *Arnesti* non facit, & ab *Hageko* narratum est. Non multi abierant dies: *S. Catharina* Templum, addito Virginum *Ordinis S. Augustini* Cœnobio, jubet frâ de *Caroli* *Cæsar* inchoari; primum ipse cum *Arnesto* lapidem in tam sancte, & *S. Catharina* sacra-  
templo, & Cœnobium stetit.

## Notæ in Caput XIV.

Boleslavia  
Centrum &  
umbilicus  
Bohemie,

**B**oleslaviam Veterem. Hanc civitatem umbilicum esse Bohemia, & cùm figurâ circulari sit Bohemia, Centri vicem obtinere, Stransky affirmat. Dederit id fortassis loco natali, nam Zapæ non ita Boleslaviâ procul natus est, quem pagum & domum natalem non ignobilis historici nuper accessi. Quanquam etiam auctoritate tueri se Stranskyus potest: ostenditur hodieq; a senibus Boleslaviæ Veteris fossa propè Templum S. Wenceslai sita, quam centrum Bohemie veteres appellârunt. Hinc argutari licet, Beatisimam DEI Matrem Boleslavensem & S. Wenceslaum, Centrum Bohemie occupasse, & ad eorum gloriam totam Bohemia Pietatem referri debere.

An Arnestus  
hymni de  
S. VVence-  
sao sit au-  
thor.

Cæthenus Ha-  
gecio vetustior  
historicus Ar-  
nestum hujus  
hymni nomi-  
natus ambe-  
remp.

**Hymnum Arnestum scripsisse.** Scio Wenceslaum Hagecium, hujus hymni authorem, non Arnestum, sed successorem ejus Joannem nominasse. Sed apud me hoc loco Hagecij fides vacillat, tum quod ille in Arnesti rebus notandis negligentius versatus est (ut deinde clarissime ostendam) tum quod plura alia, qua Arnesto tribuenda erant, eidem Joanni adscripsit, tum deniq; quod Cæthenus diligentissimus, & vetustior historicus, cùm alia propè omnia de Arnesto prætericerit, unum illud quasi certissimum in ejus obitu narraverit. Rem in medio relinquo: potuit hymnum ab Arnesto compositum successor ejus propositis premissis evulgare, atq; ita concilia-  
buntur

buntur historici. Sed Ferdinandum III. ut dixi, non semel observavimus, cum is hymnus in Ecclesia Pragensi caneretur, proferre caput è Regia illa sua sede, approbantem capite, laudantem, atq; etiam quantum vulgus videre poterat, cantum adjuvantem. Regum etiam minime actiones diligenter notantur, & populus mille oculos habere cuspit, ut cor Regis possit intueri. Tam charus verò Bohemis hodieq; hic, de quo loquimur, hymnus est, ut ad eum quotidie in Templo canendum, perpetuis censibus quibusdam in Templis Musicos antiquitas obligarit.

### Vulgus Bohemorum Musicæ addictissimum

Id hodieq; videmus & audimus. Majores nostri etiam prælia cum cantu inchoabant, illo scilicet quem S. Adalbertus composuerat: Hos podjne pomiliug nñ r̄c. Cantuum Ecclesiasticorum venustate, & textus ipsius sanctitate, multas gentes provocare possumus. Nimirum ex SS. Patribus, ut facile est intelligere, à sanctis Bohemiae Episcopis & Archiepiscopis, ac præcipue à Canonicis Ecclesia Pragensis pleriq; contexti, & compositi sunt. Nuper cum Bibliothecam quandam Manuscriptorum excuterem, inveni librum Prosarum, & Cantum Ecclesiæ Pragensis, antiquissimo scripture genere exaratum, in quo latina primum Prosæ, cum notis Musicis, deinde etiam Bohemicae leguntur, eodem prorsus Tono, & Melodiâ, quâ hodie utimur, eodē contextu, iisdemq; sententijs, nisi quid Bohemica clariora & significantiora sunt, & pluribus versibus constant. Citantur aliquando in marginibus SS. PP. unde cantus decerpti sunt, ut S. Gregorius & Bernardus. Inter illos gratissimi illi vulgi auribus cantus leguntur. Rastal nám Den wesch. Angelowé gsau svjivali. Směno Boží weliké. Narodil se Krystus Pán. Via Boží Narodenj. Co tu sto gite. In dulci Jubilo. Wstalt gesichto Echwile. Plurésg; alijs ex Prosis fere & Sequentijs, ut tum vocabant, Ecclesiæ Pragensis confecti.

Cantibus Bohemiz populus mirificè capituro.

**Joannes de Wlassim.** Dignus hic Prasul, qui post Arnestum nominetur. Certè omnes honores, quos Arnaldo destinaverat. Pontifex, eo mortuo super Joannem deniq; ceciderunt. Vitam ejus laudatissimam Augustinus Moravus, & Pontanus breviter descripsersunt.

Bb 3. Arnestus

**Arnestum Avenionem præmissum.** Inveni

1755.

semper (quod in magna felicitatis parte repono) inter veteris bibliotheca  
quisquilias, Fidei publica literas, (ut nunc vocamus, salvum con-  
ductum) quas Carolus Cæsar Arnesto suo per Germaniam proficisci-  
tus hoc ipso tempore dedit, ex quibus Arnesti in Galliam legatio confirma-  
tur; eas in antiquitatis honorem, ne verbo immixtato, recitare placet.

## Karolus IV. Divinâ favente clementiâ Romanorum Rex semper Augustus; & Bohemiæ Rex.

**Q**uia Venerabilem Arnestum, sanctæ Pra-  
gensis Ecclesiæ Archiepiscopum, Princi-  
pem, Consiliarium, & devotum nostrum  
dilectum, in arduis legationibus & negotijs,  
Nostrum, & Sacri Rom: Imperij honorem con-  
cernentibus, deliberato & provido præcedente  
consilio, dirigimus in præsenti. Idcirco devotio-  
nem Tuam affectuosè requirimus & hortamur,  
quatenus supradicto Nostro Principi, & ejus  
Comitivæ, tam in securitate conductūs, quam  
in alijs, quæ desideraverit ad Nostrum & Sacri  
Imperij honorem præcipuum, benevolam veli-  
tis & debeatiss ostendere voluntatem. Datum  
Pragæ, Regnum nostrorum Anno septimo,  
die 13. Mensis Maij.

Hadde-

